



UNIVERSITI  
MALAYA



## POLISI KESELAMATAN DAN KESIHATAN PEKERJAAN UNIVERSITI MALAYA


Universiti Malaya komited untuk mematuhi keperluan perundangan berkaitan Keselamatan dan Kesihatan Pekerjaan (KKP) dengan mengintegrasikan pembudayaan dan amalan baik KKP dalam setiap aktiviti.

Matlamat kami adalah untuk memastikan persekitaraan kerja yang selamat dan sihat, menerapkan pembudayaan serta kecemerlangan dalam aspek keselamatan melalui program KKP yang dijalankan dengan penglibatan inklusif staf, pelajar, kontraktor, pelawat dan pihak berkepentingan.

Untuk mencapai matlamat ini, kami akan:

- Melaksanakan langkah proaktif dalam pengurusan risiko yang strategik serta mengambil tindakan pembedahan secara menyeluruh bagi mengurangkan risiko kecederaan, penyakit pekerjaan, bahaya kesihatan dan kerosakan harta benda.
- Menyediakan maklumat dan pengawasan yang mencukupi kepada komuniti Universiti untuk menjalankan tugas dan tanggungjawab dengan kompeten dalam hal-hal berkaitan KKP.
- Menyediakan persekitaran kerja dan suasana pengajaran dan pembelajaran yang selamat dan sihat kepada komuniti Universiti dengan mewujudkan objektif yang strategik serta rangka kerja yang mengutamakan KKP.
- Melibatkan penyertaan dan perundingan semua pihak berkepentingan bagi memperkukuh kefahaman dan pengaturan sendiri KKP.
- Memastikan pelaksanaan penambahbaikan berterusan pada sistem pengurusan KKP bagi meningkatkan prestasi KKP yang memanfaatkan komuniti Universiti.
- Memperluas sistem komunikasi berkaitan KKP kepada komuniti Universiti dan pihak berkepentingan.
- Memastikan pelan tindakan kecemasan tersedia mengikut pengurusan kecemasan terkini.
- Menyediakan sumber dan sistem yang diperlukan bagi pengurusan KKP yang efektif.
- Menjalankan semakan semula secara berkala ke atas polisi untuk memastikan Universiti mengawasi, melaksanakan dan memenuhi semua keperluan KKP dari semasa ke semasa.

Penglibatan dan komitmen semua staf dan pelajar terhadap pematuhan undang-undang termasuk standard dan kod amalan yang berkaitan dengan Universiti adalah perlu untuk mengekalkan piawai KKP yang tinggi.

  
.....  
**PROFESOR DATO' SERI IR. DR. NOOR AZUAN ABU OSMAN**  
**NAIB CANSOLOR UNIVERSITI MALAYA**  
**NOVEMBER 2023**

*Home of the Brave. Land of the Bright*  
*Di sini Bermulanya Pintar. Tanah Tumpahnya Berani*